


আশূরায়ে মুহাররম
ও
আমাদের করণীয়



মুহাম্মাদ আসাদুল্লাহ আল-গালিব

প্রকাশক : হাদীছ ফাউন্ডেশন বাংলাদেশ

কাজলা, রাজশাহী-৬২০৪

হা. ফা. বা. প্রকাশনা- ২১

ফোন ও ফ্যাক্স (অনু): ০৭২১-৭৬০৫২৫, ৭৬১৩৭৮, ৭৬১৭৪১।

عاشوراء المحرم و واجباتنا

تأليف: د. محمد أسد الله الغالب

الناشر: حديث فاؤন্ডেশন بنغلاديش

(مؤسسة الحديث بنغلاديش للطباعة و النشر)

১ম প্রকাশ : মার্চ ২০০৪ ইং

ফাল্গুন ১৪১০বাং

মুহাৱরম ১৪২৫হিঃ

॥ সর্বস্বত্ব প্রকাশকের ॥

কম্পোজঃ হাদীছ ফাউন্ডেশন কম্পিউটার্স

কাজলা, রাজশাহী।

মুদ্রণেঃ দি বেঙ্গল প্রেস, রাণীবাজার, ঘোড়ামারা, রাজশাহী। ফোনঃ ৭৭৪৬১২।

হাদিয়াঃ ৬ (ছয়) টাকা মাত্র।

AS URA-I- MUHARRAM by Dr. Muhammad Asadullah Al-Ghalib.
Professor, Department of Arabic, University of Rajshahi, Bangladesh.
Published by: HADEETH FOUNDATION BANGLADESH. Kajla,
Rajshahi, Bangladesh. H.F.B. 21. Ph & Fax (Req): 88-0721-760525. Tk. 6 only.

আশূরায়ে মুহাৱরম ও আমাদের করণীয়

আল্লাহ পাক বার মাসের মধ্যে চারটি মাসকে বিশেষ মর্যাদা দান করেছেন। সে চারটি মাস হ'ল মুহাৱরম, রজব, যুলক্বা'দাহ ও যুলহিজ্জাহ। অন্যভাবে বললে বলা যায় যে, যুলক্বা'দাহ হ'তে মুহাৱরম পর্যন্ত একটানা তিন মাস। অতঃপর পাঁচ মাস বিরতি দিয়ে 'রজব' মাস। এভাবে বছরের এক তৃতীয়াংশ তথা 'চার মাস' হ'ল 'হরম' বা সম্মানিত মাস। লড়াই-ঝগড়া, খুন-খারাবী ইত্যাদি অন্যান্য-অপকর্ম হ'তে দূরে থেকে এর মর্যাদার প্রতি সম্মান প্রদর্শন করা প্রত্যেক মুসলমানের ধর্মীয় কর্তব্য। যেমন আল্লাহ বলেন, 'فَلَا تَظْلِمُوا فِيهِنَّ أَنْفُسَكُمْ' 'এই মাসগুলিতে তোমরা পরস্পরের উপরে অত্যাচার কর না' (তওকা ৩৬)।

ফযীলতঃ

১. হযরত আবু হুরায়রা (রাঃ) হ'তে বর্ণিত রাসূলুল্লাহ (ছাঃ) এরশাদ করেন, 'أَفْضَلُ الصِّيَامِ بَعْدَ رَمَضَانَ شَهْرُ اللَّهِ الْمُحَرَّمُ وَأَفْضَلُ الصَّلَاةِ بَعْدَ الرَّمَايَانِ' 'রামাযানের পরে সর্বোত্তম ছিয়াম হ'ল মুহাৱরম মাসের ছিয়াম অর্থাৎ আশূরার ছিয়াম এবং ফরয ছালাতের পরে সর্বোত্তম ছালাত হ'ল রাতের নফল ছালাত' অর্থাৎ তাহাজ্জুদের ছালাত।^১

২. হযরত আবু ক্বাতাদাহ (রাঃ) হ'তে বর্ণিত রাসূলুল্লাহ (ছাঃ) এরশাদ করেন, 'وَصِيَامُ يَوْمِ عَاشُورَاءَ أَحْتَسِبُ عَلَى اللَّهِ أَنْ يُكَفِّرَ السَّنَةَ الَّتِي قَبْلَهُ' 'আশূরা বা ১০ই মুহাৱরমের ছিয়াম আমি আশা করি আল্লাহর নিকটে বান্দার বিগত এক বছরের (ছগীরা) গোনাহের কাফফারা হিসাবে গণ্য হবে'।^২

৩. আয়েশা (রাঃ) বলেন, 'كَانَ يَوْمٌ عَاشُورَاءَ يَوْمًا تَصُومُهُ قُرَيْشٌ فِي الْجَاهِلِيَّةِ وَكَانَ رَسُولُ اللَّهِ صَلَّى اللَّهُ عَلَيْهِ وَسَلَّمَ يَصُومُهُ، فَلَمَّا قَدِمَ الْمَدِينَةَ صَامَهُ وَأَمَرَ النَّاسَ بِصِيَامِهِ فَلَمَّا فُرِضَ رَمَضَانُ قَالَ: مَنْ شَاءَ'।

১. মুসলিম, মিশকাত হা/২০৩৯ 'নফল ছিয়াম' অনুচ্ছেদ; ঐ, বঙ্গানুবাদ হা/১৯৪১।

২. মুসলিম, মিশকাত হা/২০৪৪; ঐ, বঙ্গানুবাদ হা/১৯৪৬।

— جَاهِلِيٌّ يُوْجِدُ كُرَامَةَ شَيْءٍ تَرَكَهُ رَوَاهُ الْبَخَارِيُّ -
 ছিয়াম পালন করত। রাসূলুল্লাহ (ছাঃ)ও তা পালন করতেন। মদীনায হিজরতের
 পরেও তিনি পালন করেছেন এবং লোকদেরকে তা পালন করতে বলেছেন। কিন্তু
 (২য় হিজরী সনে) যখন রামাযান মাসের ছিয়াম ফরয হ'ল, তখন তিনি বললেন,
 যে ব্যক্তি ইচ্ছা কর আশুরার ছিয়াম পালন কর এবং যে ব্যক্তি ইচ্ছা কর তা
 পরিত্যাগ কর'।^৩

৪. হযরত মু'আবিয়া বিন আবু সুফিয়ান (রাঃ) মদীনার মসজিদে নববীতে খুৎবা দান
 কালে বলেন, 'আমি রাসূলুল্লাহ (ছাঃ)-কে বলতে শুনেছি যে, 'إِنَّ هَذَا يَوْمٌ
 عَاشُورَاءُ وَ لَمْ يَكْتَبِ اللَّهُ عَلَيْكُمْ صِيَامَهُ وَ أَنَا صَائِمٌ فَمَنْ شَاءَ فَلْيَصُمْ وَ
 - مَنْ شَاءَ فَلْيُفْطِرْ - আজ আশুরার দিন। এদিনের ছিয়াম তোমাদের উপরে
 আল্লাহ ফরয করেননি। তবে আমি ছিয়াম রেখেছি। এক্ষণে তোমাদের মধ্যে যে
 ইচ্ছা কর ছিয়াম পালন কর, যে ইচ্ছা কর পরিত্যাগ কর'।^৪

৫. (ক) হযরত আব্দুল্লাহ বিন আব্বাস (রাঃ) বলেন, রাসূলুল্লাহ (ছাঃ) মদীনায
 হিজরত করে ইহুদীদেরকে আশুরার ছিয়াম রাখতে দেখে কারণ জিজ্ঞেস করলে
 তারা বলেন, 'هَذَا يَوْمٌ عَظِيمٌ أَنْجَى اللَّهُ فِيهِ مُوسَى وَقَوْمَهُ وَغَرَّقَ فِرْعَوْنَ
 وَ قَوْمَهُ فَصَامَ مُوسَى شُكْرًا فَفَنَحْنُ نَصُومُ فَقَالَ رَسُولُ اللَّهِ صَلَّى اللَّهُ
 عَلَيْهِ وَسَلَّمَ: فَفَنَحْنُ أَحَقُّ وَأَوْلَى بِمُوسَى مِنْكُمْ فَصَامَ (ص) وَ أَمَرَ
 - بِصِيَامِهِ - এটি একটি মহান দিন। এদিনে আল্লাহ পাক হযরত মুসা (আঃ) ও
 তাঁর কওমকে নাজাত দিয়েছিলেন এবং ফেরাউন ও তার লোকদের ডুবিয়ে
 মেরেছিলেন। তার শুকরিয়া হিসাবে মুসা (আঃ) এ দিন ছিয়াম পালন করেন।
 অতএব আমরাও এ দিন ছিয়াম পালন করি। তখন রাসূলুল্লাহ (ছাঃ) বললেন,
 তোমাদের চাইতে আমরাই মুসা (আঃ)-এর (আদর্শের) অধিক হকদার ও অধিক
 দাবীদার। অতঃপর তিনি ছিয়াম রাখেন ও সকলকে রাখতে বলেন' (যা পূর্ব
 থেকেই তাঁর রাখার অভ্যাস ছিল)।^৫

৩. বুখারী ফাৎহুল বারী সহ (কায়রোঃ ১৪০৭/১৯৮৭), হা/২০০২ 'ছওম' অধ্যায়।

৪. বুখারী, ফাৎহুল বারী সহ হা/২০০৩; মুসলিম, হা/১১২৯ 'ছিয়াম' অধ্যায়।

৫. মুসলিম হা/১১৩০।

(খ) হযরত আবু মুসা আশ'আরী (রাঃ) হ'তে বর্ণিত হয়েছে যে, আশুরার দিনকে
 ইহুদীরা ঈদের দিন হিসাবে মান্য করত। এ দিন তারা তাদের স্ত্রীদের অলংকার ও
 উত্তম পোষাকাদি পরিধান করাতো'।^৬

(গ) ইবনু আব্বাস (রাঃ) হ'তে অন্য বর্ণনায় এসেছে যে, লোকেরা বলল, হে
 রাসূল! ইহুদী ও নাছারাগণ ১০ই মুহাররম আশুরার দিনটিকে সম্মান করে। তখন
 রাসূলুল্লাহ (ছাঃ) বললেন, 'فَإِذَا كَانَ الْعَامُ الْمُقْبِلُ إِنْ شَاءَ اللَّهُ صُمْنَا الْيَوْمَ
 'আগামী বছর
 বৈশাখ মাসের তৃতীয় তারিখে ইনশাআল্লাহ আমরা ৯ই মুহাররম সহ ছিয়াম রাখব'। রাবী বলেন,
 কিন্তু পরের বছর মুহাররম আসার আগেই তাঁর মৃত্যু হয়ে যায়।^৭

৬. হযরত আব্দুল্লাহ বিন আব্বাস (রাঃ) হ'তে বর্ণিত অন্য এক হাদীছে রাসূলুল্লাহ
 (ছাঃ) এরশাদ করেন, 'صُومُوا يَوْمَ عَاشُورَاءَ وَ خَالِفُوا الْيَهُودَ وَ صُومُوا
 - 'তোমরা আশুরার দিন ছিয়াম রাখ এবং ইহুদীদের
 খেলাফ কর। তোমরা আশুরার সাথে তার পূর্বে একদিন বা পরে একদিন ছিয়াম
 পালন কর'।^৮

উপরোক্ত হাদীছ সমূহ পর্যালোচনা করলে কয়েকটি বিষয় স্পষ্ট হয়ে উঠে। যেমন-
 (১) আশুরার ছিয়াম ফেরাউনের কবল থেকে নাজাতে মুসার (আঃ) শুকরিয়া
 হিসাবে পালিত হয়।

(২) এই ছিয়াম মুসা, ঈসা ও মুহাম্মাদী শরী'আতে চালু ছিল। আইয়ামে
 জাহেলিয়াতেও আশুরার ছিয়াম পালিত হ'ত।

(৩) ২য় হিজরীতে রামাযানের ছিয়াম ফরয হওয়ার আগ পর্যন্ত এই ছিয়াম সকল
 মুসলমানের জন্য পালিত নিয়মিত ছিয়াম হিসাবে গণ্য হ'ত।

(৪) রামাযানের ছিয়াম ফরয হওয়ার পরে এই ছিয়াম ঐচ্ছিক ছিয়ামে পরিণত হয়।
 তবে রাসূলুল্লাহ (ছাঃ) নিয়মিত এই ছিয়াম ঐচ্ছিক হিসাবেই পালন করতেন।
 এমনকি মৃত্যুর বছরেও পালন করতে চেয়েছিলেন।

৬. মুসলিম হা/১১৩১; বুখারী ফাৎহুল বারী সহ হা/২০০৪।

৭. মুসলিম হা/১১৩৪।

৮. বায়হাকী ৪র্থ খণ্ড ২৮৭ পৃঃ। বর্ণিত অত্র রেওয়াজাতটি 'মরফু' হিসাবে ছহীহ নয়, তবে 'মওকুফ' হিসাবে
 'ছহীহ'। দ্রঃ হাশিয়া ছহীহ ইবনু খুযায়মা হা/২০৯৫, ২/২৯০ পৃঃ। অতএব ৯, ১০ বা ১০, ১১ দু'দিন ছিয়াম রাখা
 উচিত। তবে ৯, ১০ দু'দিন রাখাই সর্বোত্তম।

(৫) এই ছিয়ামের ফযীলত হিসাবে বিগত এক বছরের গোনাহ মফের কথা বলা হয়েছে। এত বেশী নেকী আরাফার দিনের নফল ছিয়াম ব্যতীত অন্য কোন নফল ছিয়ামে নেই।

(৬) আশুরার ছিয়ামের সাথে হযরত হুসায়েন বিন আলী (রাঃ)-এর জন্ম বা মৃত্যুর কোন সম্পর্ক নেই। হুসায়েন (রাঃ)-এর জন্ম মদীনায়ে ৪র্থ হিজরীতে এবং মৃত্যু ইরাকের কূফা নগরীর নিকটবর্তী কারবালায় ৬১ হিজরীতে রাসূলুল্লাহ (ছাঃ)-এর মৃত্যুর ৫০ বছর পরে হয়।^৯

মোট কথা আশুরায়ে মুহাররমে এক বা দু'দিন স্রেফ নফল ছিয়াম ব্যতীত আর কিছুই করার নেই। শাহাদতে হুসায়েনের নিয়তে ছিয়াম পালন করলে ছওয়াব পাওয়া যাবে না। কারণ কারবালার ঘটনার ৫০ বছর পূর্বেই ইসলাম পরিপূর্ণতা লাভ করেছে এবং অহি-র আগমন বন্ধ হয়ে গেছে।

আশুরার বিদ'আত সমূহঃ

আশুরায়ে মুহাররম আমাদের দেশে শোকের মাস হিসাবে আগমন করে। শী'আ, সুন্নী সকলে মিলে অগণিত শিরুক ও বিদ'আতে লিপ্ত হয়। কোটি কোটি টাকার অপচয় হয় বিভিন্ন অনুষ্ঠানের নামে। সরকারী ছুটি ঘোষিত হয় ও সরকারীভাবে বিভিন্ন অনুষ্ঠানাদি পালিত হয়। হোসায়েনের ভূয়া কবর তৈরী করে রাস্তায় তা'যিয়া বা শোক মিছিল করা হয়। ঐ ভূয়া কবরে হোসায়েনের রুহ হাযির হয় ধারণা করে তাকে সালাম করা হয়। তার সামনে মাথা ঝুঁকানো হয়। সেখানে সিজদা করা হয়, মনোবাঞ্ছা পূরণ করার জন্য প্রার্থনা করা হয়। মিথ্যা শোক প্রদর্শন করে বুক চাপড়ানো হয়, বুকের কাপড় ছিঁড়ে ফেলা হয়। 'হায় হোসেন' 'হায় হোসেন' বলে মাতম করা হয়। রক্তের নামে লাল রং ছিটানো হয়। রাস্তা-ঘাট রং-বেরং সাজে সাজানো হয়। লাঠি-তীর-বল্লম নিয়ে যুদ্ধের মহড়া দেওয়া হয়। হোসায়েনের নামে কেক ও পাউরুটি বানিয়ে 'বরকতের পিঠা' বলে বেশী দামে বিক্রি করা হয়। হোসায়েনের নামে 'মোরগ' পুকুরে ছুঁড়ে ফেলে যুবক-যুবতীরা পুকুরে ঝাঁপিয়ে পড়ে ঐ 'বরকতের মোরগ' ধরার প্রতিযোগিতায় মেতে ওঠে। সুসজ্জিত অশ্বারোহী দল মিছিল করে কারবালা যুদ্ধের মহড়া দেয়। কালো পোশাক পরিধান বা কালো ব্যাজ ধারণ করা হয় ইত্যাদি। এমনকি অনেকে শোকের মাস ভেবে এই মাসে বিবাহ-শাদী করা অন্যায্য মনে করে থাকেন। ঐ দিন অনেকে পানি পান করা

এমনকি শিশুর দুধ পান করানোকেও অন্যায্য ভাবেন।

ওদিকে উগ্র শী'আরা কোন কোন 'ইমাম বাড়া'তে হযরত আয়েশা (রাঃ)-এর নামে বেঁধে রাখা একটি বকরীকে লাঠিপেটা করে ও অস্ত্রাঘাতে রক্তাক্ত করে বদলা নেয় ও উল্লাসে ফেটে পড়ে। তাদের ধারণা মতে আয়েশা (রাঃ)-এর পরামর্শক্রমেই আবুবকর (রাঃ) রাসূলুল্লাহ (ছাঃ)-এর অসুখের সময় জামা'আতে ইমামতি করেছিলেন ও পরে খলীফা নির্বাচিত হয়েছিলেন। সেকারণ আলী (রাঃ) খলীফা হ'তে পারেননি (নাউযুবিল্লাহ)। হযরত ওমর, হযরত ওছমান, হযরত মু'আবিয়া (রাঃ), হযরত মুগীরা বিন শো'বা (রাঃ) প্রমুখ জলীলুল ক্বদর ছাহাবীকে এ সময় বিভিন্নভাবে গালি দেওয়া হয়।

এ ছাড়াও রেডিও-টিভি, পত্র-পত্রিকা, কলেজ ও বিশ্ববিদ্যালয় সমূহ বিভিন্ন অনুষ্ঠানের মাধ্যমে একথা বুঝাতে চেষ্টা করে যে, আশুরায়ে মুহাররমের মূল বিষয় হ'ল শাহাদাতে হোসায়েন (রাঃ) বা কারবালার মর্মান্তিক ঘটনা। চেষ্টা করা হয় এটাকে 'হক ও বাতিলের' লড়াই হিসাবে প্রমাণ করতে। চেষ্টা করা হয় হুসায়েনকে 'মা'ছুম' ও ইয়াযীদকে 'মাল'উন' প্রমাণ করতে। অথচ প্রকৃত সত্য এসব থেকে অনেক দূরে।

আশুরা উপলক্ষে প্রচলিত উপরোক্ত বিদ'আতী অনুষ্ঠানাদির কোন অস্তিত্ব এবং অশুদ্ধ আক্বীদা সমূহের কোন প্রমাণ ছাহাবায়ে কেরামের যুগে পাওয়া যায় না। আল্লাহ ব্যতীত কাউকে সিজদা করা যেমন হারাম, তা'যিয়ার নামে ভূয়া কবর যেয়ারত করাও তেমনি মূর্তি পূজার শামিল। যেমন রাসূলুল্লাহ (ছাঃ) এরশাদ করেন, مَنْ زَارَ قَبْرًا بِلَا مَقْبُورٍ كَأَنَّما عَبَدَ الصَّنَمَ رواه البيهقي والطيبراني- 'যে ব্যক্তি লাশ ছাড়াই ভূয়া কবর যেয়ারত করল, সে যেন মূর্তিকে পূজা করল'।^{১০}

এতদ্ব্যতীত কোনরূপ শোকগাথা বা মর্সিয়া অনুষ্ঠান বা শোক মিছিল ইসলামী শরী'আতের পরিপন্থী। কোন কবর বা সমাধিসৌধ, শহীদ মিনার বা স্মৃতি সৌধ, শিখা অনির্বাণ বা শিখা চিরন্তন ইত্যাদিতে শ্রদ্ধাঞ্জলি নিবেদন করাও একই পর্যায়ে পড়ে।

১০. বায়হাক্বী, ডাবারানী; গৃহীতঃ আওলাদ হাসান কান্দোজী 'রিসালাতু তাযীহিয যা-রীন' বরাতেঃ ছালাফুদীন ইউসুফ 'মাহে মুহাররম ও মউজুদাহ মুসলমান' (লাহোরঃ ১৪০৬ হিঃ) পৃঃ ১৫।

৯. ইবনু হাজার, আল-ইছাবাহ আল-ইস্তী'আব সহ (কায়রোঃ মাকতাবা ইবনে আসমিয়াহ ১ম সংস্করণ ১৩৮৯/১৯৬৯) ২য় খণ্ড পৃঃ ২৪৮, ২৫৩।

অনুরূপভাবে সবচেয়ে বড় কবীরা গোনাহ হ'ল ছাহাবায়ে কেলামকে গালি দেওয়া। রাসূলুল্লাহ (ছাঃ) এরশাদ করেন, لَا تَسْبُوا أَصْحَابِي فَلَوْ أَنَّ أَحَدَكُمْ أَنْفَقَ مِثْلَ لَا تَسْبُوا أَصْحَابِي فَلَوْ أَنَّ أَحَدَكُمْ أَنْفَقَ مِثْلَ 'তোমরা আমার ছাহাবীগণকে গালি দিয়ো না। কেননা (তারা এমন উচ্চ মর্যাদার অধিকারী যে,) তোমাদের কেউ যদি ওহোদ পাহাড় পরিমাণ সোনাও আল্লাহর রাস্তায় ব্যয় করে, তবুও তাদের এক মুদ বা অর্ধ মুদ অর্থাৎ সিকি ছা' বা তার অর্ধেক পরিমাণ (যব খরচ)-এর সমান ছুওয়াব পর্যন্ত পৌছতে পারবে না'।^{১১}

শোকের নামে দিবস পালন করা, বুক চাপড়ানো ও মাতম করা ইসলামী রীতি নয়। রাসূলুল্লাহ (ছাঃ) এরশাদ করেন, لَيْسَ مِنَّا مَنْ ضَرَبَ الْخُدُودَ وَشَقَّ الْجُيُوبَ وَدَعَا بِدَعْوَى الْجَاهِلِيَّةِ 'ঐ ব্যক্তি আমাদের দলভুক্ত নয়, যে ব্যক্তি শোকে নিজ মুখে মারে, কাপড় ছিঁড়ে ও জাহেলী যুগের ন্যায় মাতম করে'।^{১২}

অন্য হাদীছে এসেছে যে, 'আমি ঐ ব্যক্তি হ'তে দায়িত্ব মুক্ত, যে ব্যক্তি শোকে মাথা মুগুন করে, উচ্চৈঃস্বরে কাঁদে ও কাপড় ছিঁড়ে'।^{১৩}

অধিকন্তু ঐ সব শোক সভা বা শোক মিছিলে বাড়াবাড়ি করে সৃষ্টি ও সৃষ্টিকর্তার পার্থক্য মিটিয়ে দিয়ে হোসায়েন কবরে রুহের আগমন কল্পনা করা, সেখানে সিজদা করা, মাথা ঝুঁকানো, প্রার্থনা নিবেদন করা ইত্যাদি পরিষ্কার ভাবে শিরক।

বিদ'আতের সূচনাঃ

আব্বাসীয় খলীফা মুত্বী' বিন মুকুতাদিরের সময়ে (৩৩৪-৩৬৩হিঃ/৯৪৬-৯৭৪খৃঃ) তাঁর কটর শী'আ আমীর আহমাদ বিন বৃইয়া দায়লামী ওরফে 'মুইয্যুদৌলা' ৩৫১ হিজরীর ১৮ই যিলহজ্জ তারিখে বাগদাদে হযরত ওহমান (রাঃ)-এর শাহাদত বরণের তারিখকে তাদের হিসাবে খুশীর দিন মনে করে 'ঈদের দিন' (عيد غدیر خم) হিসাবে ঘোষণা করেন। শী'আদের নিকটে এই দিনটি পরবর্তীতে ঈদুল আযহার চাইতেও গুরুত্ব পায়। অতঃপর ৩৫২ হিজরীর শুরুতে ১০ই মুহাররমকে তিনি 'শোক দিবস' ঘোষণা করেন এবং সকল দোকান-পাট, ব্যবসা-বাণিজ্য, অফিস-আদালত বন্ধ করে দেন ও মহিলাদেরকে শোকে চুল ছিঁড়তে, চেহারা কালো করতে, রাস্তায় নেমে শোকগাথা গেয়ে চলতে বাধ্য

১১. মুত্তাফকু আলাইহ, মিশকাত হা/৫৯৯৮ 'ছাহাবীগণের মর্যাদা' অনুচ্ছেদ; ঐ, বঙ্গানুবাদ হা/৫৭৫৪।

১২. বুখারী ও মুসলিম, মিশকাত হা/১৭২৫ 'জানাযা' অধ্যায়। ১৩. বুখারী ও মুসলিম, মিশকাত হা/১৭২৬।

করেন। শহর ও গ্রামের সর্বত্র সকলকে শোক মিছিলে যোগদান করতে নির্দেশ দেন। শী'আরা খুশী মনে এই নির্দেশ পালন করে। কিন্তু সুন্নীরা চুপ হয়ে যান। পরে সুন্নীদের উপরে এই ফরমান জারি করা হ'লে ৩৫৩ হিজরীতে উভয় দলে ব্যাপক সংঘর্ষ বেধে যায়। ফলে বাগদাদে তীব্র নাগরিক অসন্তোষ ও সামাজিক অশান্তির সৃষ্টি হয়।^{১৪}

বলা বাহুল্য বাগদাদের সুন্নী খলীফার শক্তিশালী শী'আ আমীর মুইয্যুদৌলার চালু করা এই বিদ'আতী রীতির ফলশ্রুতিতে আজও ইরাক, ইরান, পাকিস্তান ও ভারত সহ বিভিন্ন মুসলিম এলাকায় আশুরার দিন চলছে শী'আ-সুন্নী পরস্পরে গোলযোগ ও রক্তক্ষয়ী সংঘর্ষ।

হক ও বাতিলের লড়াই?

কারবালার মর্মান্তিক ঘটনা যেকোন নিরপেক্ষ মুমিনের হৃদয়কে ব্যথিত করে। কিন্তু তাই বলে এটাকে হক ও বাতিলের লড়াই বলে আখ্যায়িত করা চলে কি? যদি তাই করতে হয়, তবে হোসায়েন (রাঃ)-কে কুফায় যেতে বারবার নিষেধকারী এবং ইয়াযীদের (২৭-৬৪হিঃ) হাতে আনুগত্যের বায়'আত গ্রহণকারী বাকী সকল ছাহাবীকে আমরা কি বলব? যারা হোসায়েন (রাঃ) নিহত হওয়ার পরেও কোনরূপ প্রতিবাদ বা প্রতিরোধ গড়ে তোলেননি। মু'আবিয়া (রাঃ)-এর মৃত্যুর পরে ঐ সময়ে জীবিত প্রায় ৬০ জন ছাহাবীসহ তৎকালীন ইসলামী বিশ্বের প্রায় সকল কেন্দ্রীয় নেতৃবৃন্দ পরবর্তী খলীফা হিসাবে ইয়াযীদের হাতে বায়'আত করেন।^{১৫}

কেবলমাত্র মদীনার চারজন ছাহাবী বায়'আত নিতে বাকী ছিলেন। হযরত আব্দুল্লাহ বিন ওমর, আব্দুল্লাহ বিন আব্বাস, আব্দুল্লাহ বিন যুবায়ের ও হুসায়েন বিন আলী (রাঃ)। প্রথমোক্ত দু'জন পরে বায়'আত করেন। শেষোক্ত দু'জন গড়িমসি করলে হুসায়েন আব্দুল্লাহ বিন ওমর (রাঃ) তাঁদেরকে লক্ষ্য করে বলেন, اِنْتَقِيَا اللّٰهَ وَلَا تَفَرُّقَا بَيْنَ جَمَاعَةِ الْمُسْلِمِيْنَ 'আপনারা আল্লাহকে ভয় করুন! মুসলিম উম্মাহর মধ্যে বিভক্তি সৃষ্টি করবেন না'।^{১৬}

হুসায়েন (রাঃ) ও আব্দুল্লাহ ইবনু যুবায়ের (রাঃ) দু'জনেই মদীনা থেকে মক্কায় চলে যান। সেখানে কুফা থেকে দলে দলে লোক এসে হুসায়েন (রাঃ)-কে কুফায়

১৪. ইবনুল আছীর, তারীখ ৮/১৮৪ পৃঃ; গৃহীতঃ মাহে মুহাররম পৃঃ ১৮-২০।

১৫. ইবনু রাজাব, যায়লু তাবাক্বা-তিল হানাবিলাহ ২য় খণ্ড পৃঃ ৩৪ বর্ণনাঃ আব্দুল গণী মাক্কুদেসী (৬০১-৭০০ হিঃ)।

১৬. ইবনু কাছীর, আল-বিদায়াহ ওয়ান নিহায়াহ (বেয়ুত, দারুল কুতুবিল ইলমিয়াহ, তাবি) ৮ম খণ্ড পৃঃ ১৫০।

যেয়ে তাদের আনুগত্যের বায়'আত গ্রহণ করতে অনুরোধ করতে থাকে। কুফার নেতাদের কাছ থেকে ১৫০টি লিখিত অনুরোধ পত্র তাঁর নিকটে পৌঁছে।^{১৭} তিনি স্বীয় চাচাতো ভাই মুসলিম বিন আক্বীল (রাঃ)-কে কুফায় প্রেরণ করেন। সেখানে ১২ থেকে ১৮ হাজার লোক হুসায়েনের পক্ষে মুসলিম -এর হাতে আনুগত্যের বায়'আত গ্রহণ করে। মুসলিম বিন আক্বীল (রাঃ) সরল মনে হুসায়েন (রাঃ)-কে কুফায় আসার আমন্ত্রণ জানিয়ে পত্র পাঠান। সেই পত্র পেয়ে হুসায়েন (রাঃ) হজ্জের একদিন পূর্বে সপরিবারে মক্কা হ'তে কূফা অভিমুখে রওয়ানা হন। হুসায়েন (রাঃ)-এর আগমনের খবর জানতে পেয়ে কুফার গভর্ণর নু'মান বিন বাশীর (রাঃ) জনগণকে ডেকে বিশৃংখলা না ঘটাতে উপদেশ দেন। কোনরূপ কঠোরতা প্রয়োগ করা হ'তে তিনি বিরত থাকেন। ফলে কুচক্রীদের পরামর্শে তিনি পদচ্যুত হন ও বছরার গভর্ণর ওবায়দুল্লাহ বিন যিয়াদকে একই সাথে কুফার দায়িত্ব দেওয়া হয়। তিনি প্রথমেই মুসলিম বিন আক্বীলকে শ্রেফতার করে হত্যা করেন। তখন সকল কুফাবাসী হুসায়েন (রাঃ)-এর পক্ষ ত্যাগ করে। ইতিমধ্যে হুসায়েন (রাঃ) কুফার সন্নিহিত পৌঁছে যান। ইবনে যিয়াদ প্রেরিত সেনাপতি তখন তাঁর গতিরোধ করে। সমস্ত ঘটনা বুঝতে পরে হযরত হোসায়েন (রাঃ) তখন ইবনে যিয়াদের নিকটে নিম্নোক্ত তিনটি প্রস্তাবের যেকোন একটি মেনে নেওয়ার জন্য সন্ধি প্রস্তাব পাঠান।

إِخْتَرْتُ مِنِّي إِحْدَى ثَلَاثٍ: إِمَّا أَنْ أُلْحِقَ بِثَغْرِ مِنَ الثُّغُورِ وَإِمَّا أَنْ أَرْجِعَ إِلَى الْمَدِينَةِ وَإِمَّا أَنْ أَضَعُ يَدِي فِي يَدِ يَزِيدَ بْنِ مَعَاوِيَةَ-

আমাকে সীমান্তের কোন এক স্থানে চলে যাওয়ার অনুমতি দেওয়া হোক। ২- মদীনা ফিরে যাওয়ার অনুমতি দেওয়া হোক। ৩- আমাকে ইয়াযীদের হাতে হাত রেখে বায়'আত গ্রহণের সুযোগ দেওয়া হউক।^{১৮}

সেনাপতি আমর বিন সা'দ বিন আবী ওয়াক্বাহ উক্ত প্রস্তাব সমূহ মেনে নিলেও দৃষ্টমতি ইবনে যিয়াদ তা নাকচ করে দেন ও প্রথমে ইয়াযীদের পক্ষে তার হাতে বায়'আত করার নির্দেশ পাঠান। হুসায়েন (রাঃ) সঙ্গত কারণেই তা প্রত্যাখ্যান করেন ও সংঘর্ষ অবশ্যম্ভাবী হয়ে পড়ে। ফলে তিনি সপরিবারে নির্মম ভাবে নিহত হন (ইন্না লিল্লাহে ওয়া ইন্না ইলাইহে রাজে'উন)।

প্রত্যক্ষদর্শী জীবিত পুরুষ সদস্য হযরত আলী বিন হুসায়েন ওরফে 'যয়নুল

১৭. আল-বিদায়াহ ৮/১৫৪।

১৮. ইবনু হাজার, আল-ইছাবাহ ২/২৫২; ইবনু কাছীর, আল-বিদায়াহ ৮/১৭১।

আবেদীন' (রাঃ)-এর পুত্র শী'আদের সম্মানিত ইমাম আবু জা'ফর মুহাম্মাদ বিন আলী বিন হুসায়েন (রাঃ) ওরফে ইমাম বাকের (রাঃ)-এর সাক্ষ্য ঠিক অনুরূপ, যা হাফেয ইবনু হাজার আসকালানী স্বীয় গ্রন্থ 'তাহযীবুত তাহযীব'-য়ে (২য় খণ্ড পৃঃ ৩০১-৩০৫) এবং হাফেয ইবনু কাছীর স্বীয় 'আল-বিদায়াহ ওয়ান নিহায়াহ'-তে (৮ম খণ্ড পৃঃ ১৯৮-২০০) ত্বাবারীর বরাতে উল্লেখ করেছেন। ইমাম বাকের বলেন, যখন বিরোধী পক্ষের নিক্ষিপ্ত একটি তীর এসে হুসায়েনের কোলে আশ্রিত শিশুপুত্রের বক্ষ ভেদ করে, তখন তিনি বিশ্বাসঘাতক কুফাবাসীদের দায়ী করে বলেন, اللَّهُمَّ احْكُم بَيْنَنَا وَبَيْنَ قَوْمٍ دَعَوْنَا لِنُصْرُونَا ثُمَّ يَفْتُلُونَنَا-

'হে আল্লাহ! তুমি ফায়ছালা কর আমাদের মধ্যে এবং ঐ কওমের মধ্যে, যারা আমাদেরকে সাহায্যের নাম করে ডেকে এনে হত্যা করছে'^{১৯}

উপরের আলোচনায় প্রতীয়মান হয় যে, কারবালার ঘটনাটি ছিল নিতান্তই রাজনৈতিক মতবিরোধের একটি দুঃখজনক পরিণতি। এই মর্মান্তিক ঘটনার জন্য মূলতঃ দায়ী ছিল বিশ্বাসঘাতক কুফাবাসীরা ও নিষ্ঠুর গভর্ণর ওবায়দুল্লাহ বিন যিয়াদ নিজে। কেননা ইয়াযীদ কেবলমাত্র হুসায়েনের আনুগত্য চেয়েছিলেন, তাঁর খুন চাননি। হুসায়েন (রাঃ) সে আনুগত্য দিতেও প্রস্তুত ছিলেন। ইয়াযীদ স্বীয় পিতার অছিয়ত অনুযায়ী হুসায়েনকে সর্বদা সম্মান করেছেন এবং তখনও করতেন। ইতিপূর্বে হুসায়েন (রাঃ) ও আব্দুল্লাহ বিন যোবায়ের (রাঃ) অন্যান্য ছাহাবীগণের সাথে ইয়াযীদের সেনাপতিত্বে ৪৯ মতান্তরে ৫১ হিজরীতে রোমকদের রাজধানী কনষ্টান্টিনোপল বিজয়ের অভিযানেও অংশগ্রহণ করেছেন।

যখন হুসায়েন (রাঃ)-এর ছিন্ন মস্তক ইয়াযীদের সামনে রাখা হয়, তখন তিনি কেঁদে উঠে বলেছিলেন, لَعَنَ اللَّهُ ابْنَ مَرْجَانَةَ يَغْنَى عُبَيْدَ اللَّهِ بْنِ زِيَادٍ، أَمَا وَاللَّهِ لَوْ كَانَ بَيْنَهُ وَبَيْنَ الْحُسَيْنِ رَحِمٌ لَمَا قَتَلَهُ وَقَالَ: قَدْ كُنْتُ أَرْضَى مِنْ طَاعَةِ أَهْلِ الْعِرَاقِ بِدُونِ قَتْلِ الْحُسَيْنِ (مختصر منهاج السنة ১/ ৩০-৩১)

'ওবায়দুল্লাহ বিন যিয়াদের উপরে আল্লাহ পাক লা'নত করুন! আল্লাহর কসম যদি হুসায়েনের সাথে ওর রক্তের সম্পর্ক থাকত, তাহ'লে সে কিছুতেই ওঁকে হত্যা

১৯. ইবনু হাজার, তাহযীবুত তাহযীব ২/৩০৪ পৃঃ; আল-বিদায়াহ ৮/১৯৯ পৃঃ। দুঃখ লাগে এই ভেবে যে, যারা প্রতারণা করে ডেকে এনে হযরত হুসায়েন (রাঃ)-কে হত্যা করেছিল, সেই কুফাবাসী ইরাকীরাই বড় হুসায়েন প্রেমিক সেজে ঘটা করে শোক পালন ও তা'যিয়া মিছিল করছে। আর সুন্নীদের গালি দিচ্ছে। -লেখক।

করত না'। তিনি আরও বলেন যে, 'হুসায়নের খুন ছাড়াও আমি ইরাকীদেরকে আমার আনুগত্যে রাখী করাতে পারতাম'।^{২০}

অন্য বর্ণনায় পাওয়া যায়, ইয়াযীদ আরও বলেন যে, 'ইবনে যিয়াদের উপরে আল্লাহ লানত করুন! সে হুসায়নকে কোনঠাসা ও বাধ্য করেছে। তিনি ফিরে যেতে চেয়েছিলেন অথবা আমার নিকটে আসতে চেয়েছিলেন অথবা কোন এক মুসলিম সীমান্তে গিয়ে আমৃত্যু জীবন কাটাতে চেয়েছিলেন। কিন্তু সে সবকিছু প্রত্যাখ্যান করে ও তাঁকে হত্যা করে। এর ফলে সে আমাকে মুসলমানদের বিদ্বেষের শিকারে পরিণত করেছে। তাদের হৃদয়ে আমার বিরুদ্ধে শত্রুতার বীজ বপন করেছে। ভাল ও মন্দ সকল প্রকারের লোক হুসায়ন হত্যার মহা অপরাধে আমাকে দায়ী করবে ও আমার প্রতি বিদ্বেষ পোষণ করবে। হায়! আমার কি হবে ও ইবনু মারজানার (ইবনে যিয়াদের) কি হবে! আল্লাহ তাকে মন্দ করুন ও তার উপরে গযব নাযিল করুন'।^{২১}

হুসায়ন পরিবারের স্ত্রী-কন্যা ও শিশুগণ ইয়াযীদের প্রাসাদে প্রবেশ করলে প্রাসাদে কান্নার রোল পড়ে যায়। ইয়াযীদ তাঁদেরকে বিপুলভাবে সম্মানিত করেন ও মূল্যবান উপঢৌকনাদি দিয়ে সসম্মানে মদীনায় প্রেরণ করেন।^{২২}

যে তিন দিন হুসায়ন পরিবার ইয়াযীদের প্রাসাদে ছিলেন, সে তিন দিন সকাল ও সন্ধ্যায় হুসায়নের দুই ছেলে আলী (ওরফে 'যয়নুল আবেদীন') এবং ওমর বিন হুসায়নকে সাথে নিয়ে ইয়াযীদ খানাপিনা করতেন ও আদর করতেন'।^{২৩}

ইয়াযীদ বিন মু'আবিয়াহ-র চরিত্র সম্পর্কে হুসায়ন (রাঃ)-এর অন্যতম বৈমাত্রেয় ছোট ভাই ও শী'আদের খ্যাতনামা ইমাম মুহাম্মাদ ইবনুল হানাফিইয়াহ (রাঃ) বলেন, مَا رَأَيْتُ مِنْهُ مَا تَذْكُرُونَ وَقَدْ حَضَرْتُهُ وَأَقَمْتُ عِنْدَهُ فَرَأَيْتُهُ مُوَاطِبًا عَلَى الصَّلَاةِ مُتَحَرِّيًا لِلْخَيْرِ يَسْأَلُ عَنِ الْفَقْهِ مُلَازِمًا لِلسُّنَّةِ- 'আমি তাঁর মধ্যে ঐ সব বিষয় দেখিনি, যেসবের কথা তেমনরা বলছ। অথচ আমি তাঁর নিকটে হাযির থেকেছি ও অবস্থান করেছি এবং তাঁকে নিয়মিতভাবে ছালাতে অভ্যস্ত ও কল্যাণের আকাংক্ষী দেখেছি। তিনি 'ফিক্‌হ' বিষয়ে আলোচনা করেন এবং তিনি সুন্নাহের পাবন্দ'।^{২৪}

২০. ইবনু তাযমিয়াহ, মুখতাছার মিনহাজুস সুন্নাহ (রিয়াযঃ মাকতাবাতুল কাওছার ১ম সংস্করণ ১৪১১/১৯৯১) ১ম খণ্ড পৃঃ ৩৫০; একই মর্মে বর্ণনা এসেছে, আল-বিদায়াহ ওয়ান নিহায়াহ ৮ম খণ্ড পৃঃ ১৭৩।
২১. আল-বিদায়াহ ৮ম খণ্ড পৃঃ ২৩৫।
২২. মুখতাছার মিনহাজুস সুন্নাহ ১ম খণ্ড পৃঃ ৩৫০।
২৩. আল-বিদায়াহ ৮ম খণ্ড পৃঃ ১৯৭।
২৪. আল-বিদায়াহ ৮ম খণ্ড পৃঃ ২৩৬।

সমুদ্র অভিযান এবং রোমকদের রাজধানী কনস্টান্টিনোপল বিজয়ের ফযীলত সম্পর্কে রাসূলুল্লাহ (ছাঃ) এরশাদ করেন, أَوَّلُ جَيْشٍ مِّنْ أُمَّتِي يَغْزُونَ الْبَحْرَ، وَقَالَ: أَوَّلُ جَيْشٍ مِّنْ أُمَّتِي يَغْزُونَ مَدِينَةَ قَيْصَرَ مَغْفُورٌ قَدْ أُوجِبُوا..... 'আমার উম্মতের ১ম সেনাবাহিনী যারা সমুদ্র অভিযানে অংশ গ্রহণ করবে, তারা জান্নাতকে ওয়াজিব করে নিবে'।..... অতঃপর তিনি বলেন, 'আমার উম্মতের ১ম সেনাবাহিনী যারা রোমকদের রাজধানীতে অভিযান করবে, তারা ক্ষমাপ্রাপ্ত হবে'।^{২৫}

মুহাল্লাব বলেন, এই হাদীছের মধ্যে হযরত মু'আবিয়া (রাঃ) ও তাঁর পুত্র ইয়াযীদ-এর মর্যাদার প্রতি ইঙ্গিত রয়েছে। কেননা হযরত ওহমান (রাঃ)-এর খেলাফতকালে (২৩-৩৫ হিঃ) সিরিয়ার গভর্নর থাকাকালীন সময়ে মু'আবিয়া (রাঃ) ২৭ হিজরী সনে রোমকদের বিরুদ্ধে ১ম সমুদ্র অভিযান করেন। অতঃপর মু'আবিয়া (রাঃ)-এর খেলাফত কালে (৪১-৬০ হিঃ) ৫১ হিজরী মতান্তরে ৪৯ হিজরী সনে ইয়াযীদের নেতৃত্বে রোমকদের রাজধানী কনস্টান্টিনোপল বিজয়ের উদ্দেশ্যে ১ম যুদ্ধাভিযান প্রেরিত হয়। উক্ত নৌযুদ্ধে ছাহাবী আবু আইয়ুব আনছারী (রাঃ) মারা যান ও কনস্টান্টিনোপলের প্রধান ফটকের মুখে তাঁকে দাফন করার অঙ্কিত করেন। অতঃপর সেভাবেই তাঁকে দাফন করা হয়। কথিত আছে যে, রোমকরা পরে ঐ কবরের অসীলায় বৃষ্টি প্রার্থনা করত'।^{২৬}

২৭ হিজরীর ১ম যুদ্ধে মু'আবিয়া (রাঃ) রোমকদের 'ক্বাবরাহ' (قبرص) জয় করেন। অতঃপর ৫১ হিজরীতে রোমকদের রাজধানী জয় করে ফিরে এসে ইয়াযীদ হজ্জ ব্রত পালন করেন।^{২৭} ইবনু কাছীর বলেন, ইয়াযীদের সেনাপতিত্বে পরিচালিত উক্ত অভিযানে স্বয়ং হুসায়ন (রাঃ) অংশ গ্রহণ করেন।^{২৮} এতদ্ব্যতীত যোগদান করেছিলেন, হযরত আব্দুল্লাহ বিন ওমর, আব্দুল্লাহ বিন আব্বাস, আব্দুল্লাহ বিন যুবায়ের, আবু আইয়ুব আনছারী প্রমুখ খ্যাতনামা ছাহাবীগণ।^{২৯} মৃত্যুকালে মু'আবিয়া (রাঃ) ইয়াযীদকে হুসায়ন (রাঃ) সম্পর্কে অঙ্কিত করে বলেছিলেন, فَإِنْ خَرَجَ عَلَيْكَ فَظْفَرْتْ بِهِ فَاصْفَحْ عَنْهُ فَإِنَّ لَهُ رَحِمًا مَّا مِثْلَهُ

২৫. বুখারী, 'জিহাদ' অধ্যায় 'রোমকদের বিরুদ্ধে লড়াই' অনুচ্ছেদ (মীরাট-ভারতঃ ১৩১৮ হিঃ) ১ম খণ্ড পৃঃ ৪০৯-১০।
২৬. ফৎহুল বারী ৬ষ্ঠ খণ্ড পৃঃ ১২০-২১।
২৭. আল-বিদায়াহ ৮/২৩২ পৃঃ।

শী'আ চক্রান্তের ফাঁদে সুন্নীগণ

শী'আ লেখকদের অতিরঞ্জিত লেখনীতে বিভ্রান্ত হয়ে যেমন বহু ইতিহাস লিখিত হয়েছে, তেমনি 'বিষাদ সিদ্ধ'-র ন্যায় সাহিত্য সমূহের মাধ্যমে বহু কল্পকথাও এদেশে চালু হয়েছে। বঙ্গদেশের রাজনৈতিক ক্ষমতায় বহু বৎসর যাবৎ শী'আদের অবস্থান থাকার কারণে হুসায়েন ও কারবালা নিয়ে অলৌকিক সব কল্পকাহিনী এদেশের মানুষের মন-মগযে বদ্ধমূল হয়ে আছে। এছাড়াও তারা অতি সুকৌশলে এদেশের শিক্ষিত সুন্নী মুসলমানদের বিভ্রান্ত করার জন্য কিছু পরিভাষা চালু করে দিয়েছে। যেমন সম্মান প্রকাশের জন্য উপমহাদেশে ছাহাবী গণের নামের পূর্বে 'হযরত' বলা হয় ও শেষে দো'আ হিসাবে 'রাযিয়াল্লা-হু 'আন'হু' বলা হয় ও সংক্ষেপে (রাঃ) লেখা হয়। কিন্তু হযরত হোসায়েন (রাঃ)-এর নামের পূর্বে 'ইমাম' একং শেষে নবীগণের ন্যায় 'আলাইহিস সালাম' বলা হচ্ছে ও সংক্ষেপে (আঃ) লেখা হচ্ছে। এর কারণ এই যে, শী'আদের আক্বীদা মতে 'ইমাম'গণ নবীগণের ন্যায় মা'ছুম বা নিষ্পাপ। হুসায়েন (রাঃ) তাদের অনুসরণীয় বারো ইমামের অন্যতম। তাদের ভ্রাতৃ আক্বীদা মতে নবীগণের ন্যায় 'ইমাম' গণ আল্লাহর পক্ষ হ'তে মনোনীত হন। সেকারণ নবীগণের ন্যায় ইমামগণের নামের শেষে তারা 'আলাইহিস সালাম' বলেন।

পক্ষান্তরে আহলে সুন্নাত ওয়াল জামা'আতের বিশুদ্ধ আক্বীদা মতে ছাহাবীগণ 'মা'ছুম' বা নিষ্পাপ নন এবং তারা নবীগণের সমপর্যায়ভুক্ত নন। অতএব সুন্নী আলেম ও বিদ্বানগণের উচিত হবে শী'আদের সুস্ব চতুরতা হ'তে সাবধান থাকা; যেন আমাদের ভাষার মাধ্যমে তাদের ভ্রাতৃ আক্বীদার প্রচার না হয়।

ইয়াযীদ-কে আমরা কখনোই 'মালউন' বা অভিশপ্ত বলব না। বরং সকল মুসলমানের ন্যায় আমরা তার মাগফেরাতের জন্য দো'আ করব। ইমাম গায্বালী (৪৫০-৫০৫ হিঃ) বলেন, 'হোসায়েনকে তিনি হত্যা করেননি, হত্যা করার হুকুম দেননি, হত্যা করায় খুশীও হননি। এমনকি ওবায়দুল্লাহ ইবনে যিয়াদ প্রেরিত সেনাদলের নেতা ওমর বিন সা'দ সহ বহু সৈন্য হোসায়েন (রাঃ)-কে হত্যার ঘোর বিরোধী ছিলেন। এক পর্যায়ে অন্যতম সৈন্যাধ্যক্ষ কুফার বীর সন্তান হোর বিন ইয়াযীদ পক্ষত্যাগ করে ইবনে যিয়াদ বাহিনীর বিরুদ্ধে লড়াই করে নিহত হন। অতএব ইবনে যিয়াদের কঠোর নির্দেশ ও শিয়ার বিন যিল-জাওশান-এর নিষ্ঠুরতাই ছিল এই হত্যাকাণ্ডের জন্য মূলতঃ দায়ী।

উপসংহার

আমাদেরকে কারবালার ঘটনা সম্পর্কে সকল প্রকার আবেগ ও বাড়াবাড়ি হ'তে দূরে থাকতে হবে এবং আশুরা উপলক্ষে প্রচলিত শিরক ও বিদ'আতী আক্বীদা-বিশ্বাস ও রসম-রেওয়াজ হ'তে বিরত থাকতে হবে। সাথে সাথে নিজেদের ব্যক্তি জীবন ও বৈষয়িক জীবন এবং সর্বোপরি আমাদের রাষ্ট্র ব্যবস্থা ও নেতৃত্ব নির্বাচন ব্যবস্থাকে নিখুঁত ইসলামী ছাঁচে তেলে সাজাবার দৃঢ় প্রতিজ্ঞা গ্রহণ করতে হবে এবং তা বাস্তবায়নের সর্বাত্মক প্রচেষ্টা চালিয়ে যেতে হবে। আল্লাহ আমাদের তাওফীক দিন- আমীন!!

হাদীছ ফাউণ্ডেশন বাংলাদেশ প্রকাশিত বই ও ক্যাসেট সমূহ

বইয়ের নাম	লেখকের নাম	মূল্য
০১। আহলেহাদীছ আন্দোলনঃ উৎপত্তি ও ক্রমবিকাশ; দক্ষিণ এশিয়ার প্রেক্ষিতসহ (ডক্টরেট থিসিস) (হাসকৃত মূল্যে)	মুহাম্মাদ আসাদুল্লাহ আল-গালিব	২০০/=
০২। মীলাদ প্রসঙ্গ	মুহাম্মাদ আসাদুল্লাহ আল-গালিব	০৪/=
০৩। জাগরণী ১ম খণ্ড	আল-হেরা শিল্পীগোষ্ঠী	০৫/=
০৪। জাগরণী ২য় খণ্ড	আল-হেরা শিল্পীগোষ্ঠী	১০/=
০৫। মাসায়েলে কুরবানী	মুহাম্মাদ আসাদুল্লাহ আল-গালিব	০৪/=
০৬। শবেবরাত	মুহাম্মাদ আসাদুল্লাহ আল-গালিব	০৪/=
০৭। আরবী ক্বায়েদা	মুহাম্মাদ আসাদুল্লাহ আল-গালিব	১০/=
০৮। ছালাতুর রাসুল (ছাঃ)	মুহাম্মাদ আসাদুল্লাহ আল-গালিব	৪০/=
০৯। তালাক ও তাহলীল	মুহাম্মাদ আসাদুল্লাহ আল-গালিব	১২/=
১০। হজ্জ ও ওমরাহ	মুহাম্মাদ আসাদুল্লাহ আল-গালিব	১৫/=
১১। আক্বীদা ইসলামিয়াহ	মুহাম্মাদ আসাদুল্লাহ আল-গালিব	০৬/=
১২। আহলেহাদীছ আন্দোলন কি ও কেন?	মুহাম্মাদ আসাদুল্লাহ আল-গালিব	২০/=
১৩। জামা'আতী যিন্দেগী	মুহাম্মাদ আবদুস সুবহান	০৬/=
১৪। দা'ওয়াত ও জিহাদ	মুহাম্মাদ আসাদুল্লাহ আল-গালিব	১৫/=
১৫। উদাত আহ্বান	মুহাম্মাদ আসাদুল্লাহ আল-গালিব	০৬/=
১৬। নৈতিক ভিত্তি ও প্রস্তাবনা	মুহাম্মাদ আসাদুল্লাহ আল-গালিব	০৬/=
১৭। কিতাব ও সুন্নাতের দিকে ফিরে চল	মুহাম্মাদ মুযায্মিল আলী	১৫/=
১৮। ইসলামী খিলাফত ও নেতৃত্ব নির্বাচন	মুহাম্মাদ আসাদুল্লাহ আল-গালিব	১২/=
১৯। ইক্বামতে দ্বীনঃ পথ ও পদ্ধতি	মুহাম্মাদ আসাদুল্লাহ আল-গালিব	১২/=
২০। হাদীছের প্রামাণিকতা	মুহাম্মাদ আসাদুল্লাহ আল-গালিব	০৬/=
২১। আশুরায়ে মুহাররম ও আমাদের করণীয়	মুহাম্মাদ আসাদুল্লাহ আল-গালিব	০৬/=
২২। তিনটি মতবাদ	মুহাম্মাদ আসাদুল্লাহ আল-গালিব	২৪/=
২৩। সমাজ বিপ্লবের ধারা	মুহাম্মাদ আসাদুল্লাহ আল-গালিব	০৪/=
২৪। আক্বীদায়ে মুহাম্মাদী	মাওলানা আহমাদ আলী	০৪/=
২৫। একটি পত্রের জওয়াব	মোহাম্মাদ আবদুল্লাহে কাফী আল-কোরায়শী	১০/=
২৬। আল-হেরা ক্যাসেট	আল-হেরা শিল্পীগোষ্ঠী	৩০/=